



BIBLIOTHECA
UNIV. JAGELL.
CRACOVENSIS

Mag. St. Br.

6559

kat.komp.

HISTORIA

II

Discursus super oratione Dni Legatorum
Danicorum habita in consensu ordin.
general. Foederati Belgii Hagae Co-
mitis 10 Jan. 1660.

John W. W. W. W.

DISCURSUS
SUPER
ORATIONE

Dnn. Legatorum

DANICORVM

HABITA

IN CONSESSV

Dnn. Ordinum Generalium Fæderati Belgii
Hagæ-Comitis,

Die 10. Ian. ANNO 1660.

39.



5. VII 1660

DISCURSUS
S H P E R
ORATIONE

D. N. L. C. O. R. V. M.


HABITA
IN CONGRESSU

D. N. O. R. D. I. N. U. M. G. E. N. E. R. A. L. I. U. M. F. E. D. E. R. A. T. I. O. N. I. S. B. E. L. G. I. I.

H. G. C. O. N. S. I. L. I. U. M.


D. N. L. C. O. R. V. M. 1780.

39



B

BE



minu
nec ip
abjed
degen
ipsi su
sus ca
Rex u
merci
quissi
quadr
ipse, n
tempo
positu



PRAELOQUIM

BELGÆ INCLYTISSIMI,



Non tam odio in Danos, quàm amore in veritatem & in Vos isthæc scripsi. Non parum enim piget pudetque, tam simplices Vos à Danis haberi, quos undique conquestis figmentis ita illudant, quò pecuniis vestris ad vesanam suam pervicaciam abutantur, bellisque non necessariis in commodum implacabilis vestri hostis Vos atterant. Quorum criminum Suecos reos peragere satagunt, iis ipsi tenentur. Quod nec ipsi negare auderent, nisi dudum frontem amisissent. Iam abjectissime Dani in angustiis destituti adulantur, & insipida ac degeneri laudatione palpum Vobis obtrudere laborant. At illi ipsi sunt, qui initia Vestra Reipublica, qui incrementa & successus cane pejus & angue nunquam non oderunt; quorum defunctus Rex ut partibus Hispanicis addictissimus, ita à Vobis alienior commercia vestra in mari Baltico non semel turbavit. Cujus iniquissimis oneribus declinandis, postquam cum Regno Sueciæ anno quadragesimo hujus seculi fœdus arctissimum incundū censeretis, ipse, ne invitus ab injuriis temperare cogeretur, Legatos suos eo tempore in Hispaniam misit, inde auxilia contra Vos sibi circumpositurus. Et quis præstabit, Belgæ, Vos à Danis meliorem rela-

turos gratiam, quam Sueci, qui, quod meritos perire cum possent
perdere, conservare per humanitatem maluerunt, nunc ea animo-
rum acerbitate in se rapi vident, ut propria ruina ipsorum per-
niciem redimere velle videantur. Sed ista multis ut admonea-
mini opus non est. Ipsi pro prudentia vestra facile perspicitis,
Danos in adversis serviliter abjectos, paulum adspirante fortuna
per insolentiam intolerabiles, pro beneficiis odium reposituros,
postquam ipsis amota praesens necessitas ingenium suum iterum ex-
serendi audaciam faciet.

Mirum

M

dia sop
circa m
Sueco
cerissi
miter
pleniss
firmis
penitu
nefici
carum
posse
causa
Sueco
gnum
cana s
Et
infelis
suscep
causa
abest
gnum
didun
temq
Seren
rente
anim
clarif
Dani
pleni
fit ut
in Po
in Li
jam h
maxi

Mirum sane nemini videri debet, Serenissimo Suecorum Regi à consanguineo, Fœderato, & iisdem sacris utente Dano temerè illatum bellum, licet Rege Galliarum Christianissimo & Magnæ Britanniae Protectore intervenientibus pace perpetuâ Roschidia sopitum videretur, semestri vix elapso denud recruduisse, nisi quem circa rerum gestarum seriem, fraudesque Danicas, & insensissimum in Suecos odium crassa ignorantia tener occupatum. Quanquam enim sincerissimus quisque & ex suopte ingenio reliquos æstimare solitus sibi firmiter persuaferat, fore ut pax ista amicissimo illo, tenerrimique affectus plenissimo duorum Septentrionis Regum *Fridericiburgi* instituto colloquio firmissime stabiliretur, & si quid rancoris forsitan & diffidentiae restaret, penitus eradicaretur; præsertim cum insignibus aded à Rege Sueciæ beneficiis affecti Dani (quippe quibus duorum Regnorum jacturam paucarum tantum Provinciârum, & quas alias non sine Suecorum injuria possederant, redimere licuit,) sibi gratulandi, Suecisque gratias agendi causam gravissimam haberent: in tantum tamen valuit innatum genti in Suecos odium, aliorum suggestionibus inflammatum, ut omnimodæ Regnum istud ruinæ involvisse, proque gratia exitium reposuisse inter arcana status Danici duceretur.

Et bellum quidem istud uti non sine justissimo Divini Numinis judicio infelix & exitiosum Danis extitit, ita usque aded sine omni juris colore susceptum fuit, ut merito dubites, an quis unquam impudentius injustitiam causæ suæ velut nudam in conspectu Orbis fuerit apicatus. Tantum enim abest ut Serenissimus Suecorum Rex ullam hostilis in Danos animi signum unquam ediderit, ut potius cum bello accingeretur Polonico candidum animi sui affectum per literas Danorum Regi aperuerit, voluntatemque in eo permanendi sanctè fuerit contestatus; ad quas publicæ à Serenissimo Rege Daniæ literæ sinceræ amicitiae significationem præferentes, & felicem belli succesum optantes repositæ. Quod verò eundem animum durante & fervente bello Polonico conservaverit, vel exinde clarissimè apparet, quod nihil magis in votis habuerit, quam arctiore cum Danis fœdere jungi, eumque in finem Ministrum suum Hafniæ aliquoties plenius mandatis ad id ineundum instruxerit. Et quis quæso aded demens sit ut credat, Sereniss. Regem Sueciæ tempore coepti belli Danici, media in Polonia longissimo à Dania intervallo hærentem, cum hinc Moschus in Livonia crudelissimè grassaretur, inde potentissima Domus Austriaca jam hostilia meditaretur, quos coërceri, aut intra primos conatus sisti quâ maximè ipsius intererat, de bello Danis inferendo cogitatione suscepisse?

Quam convenienter verò obsoletum illud & putidum carmen circa defraudationem vectigalis *Oresundici*, Regi *Sueciæ* occinatur, sane haut apparet. Equidem à quibuldā populis fretum *Oresundicum* transeuntibus jus vectigalia exigendi per conventionem aliquam Danis fuisse quæsitam in propatulo est; verum Sueci libertatem hic suam constanter adserentes, nunquam isti sese servituti voluerunt submittere; ac per ipsam naturam fas semper judicant, quod nullo jure poscebatur detrectare. Enimverò ut occasione istius libertatis Danos defraudarent subditi Sueci, nec S. R. M. Sueciæ unquam iussit aut adprobavit, neque vel tantillum lucri exinde percepit.

Quin potius, quod ipsi Dani norunt, ut omni fallacia abstinere subditis suis per publica mandata severè injunxit, nec recusavit, quo minus convicti poenas condignas darent. Nec verò commerciorum in Sueciæ incrementa inter defraudationes vectigalis sui numerare Dani possunt, nisi eadem opera sese ante pacta *Bromsebrøensia* commerciorum turbatores extitisse fateantur. Cujus manifestissimum indicium est, quod illa statim efflorescere deprehensum fuit, postquam iniquissima vestra onera excusserunt. Quo ipso fine tunc temporis Fæderati Belgii Ordines arctiora cum Suecis fœdera inibant, ne Danis, dum innoxium per mare transitum iniquissimè imputant, pro libidine turbandi commercia facultas relinqueretur. Quod verò Sueci in eo Danis injuriam fecerint, dum ipsi met naves struere & mercaturam melius exercere cæperunt, postquam iniquis exactionibus vestris frena fuerant injecta, vix cuiquam persuadebunt Oratores nostri, nisi illud prius probaverint, nefas esse vicinis suis jure suo uti, & peccare eosdem si, quas terra sua mercimonias profert, propriis navibus exportent, etiam si indebito Danorum lucro inde aliquid decedat. Quod si tamen omnino vectigalium defraudationem pro causa belli allegare volebant, imprudens certe erat coram Hollandis querelam ea ipsa de re instituere. Quæcunque enim hæc intervenerunt fraudes, quarum nonnullas forsitan intervenisse non adeo præfracte inficiari libet, per ipsos Hollandos fuerunt exercitæ, quorum plurimi, qui aliorum scilicet Hollandorum negotia gerebant (vulgo Factores vocant) post pacem *Bromsebrøensem* in Sueciæ jus civitatis acquisiverunt, eò quod hac ratione à vectigalibus *Oresundicis* redderentur immunes. Hi si quandoque exigua juramenti ratione habita alienas merces pro suis fuerunt professi, Regis utique Sueciæ nulla in eo culpa est. Et sane iniquissima foret Regum & Principum conditio, si ipsi præstare cogerentur quaslibet fraudes & vectigalium elusiones, quibus gens ista Mercurii Numen adorans invenien-

venien-
cur bell-

Quæ-
tur, du-
Bromsebrø-
nantur
latus Su-
duas ista-
dem res
met Co-
Danis f-
quo ea
quis de-
Conven-
cellario
ut oper-
fumere
præsen-
tes sita-
lia inter-

Quæ-
merciorum
collime-
Rex Su-
nobis f-
M. arbi-
si autem
navibus
æto vide-
sius *Chri-*
gloriosi
in Pruss-
tera itio-
nus *Quæ-*
super re-
iis min-
vile vid-
hi ipsi c-

veniendis nimis quam ingeniosa est, aut si istæ pro justis allegari causis, cur bello peterentur, possent.

Quæ præterea de duabus Paræciis in Norwegia Irne & Jerne afferuntur, dudum sunt explosa. Cedebatur enim Regno Suedico per pacem *Bromsebroensem*, sempria cum vicinis locis *Herrendalen*, quæ sic determinantur, ut sub istis contineretur omne quicquid citra montem Fielles ad latus Suedicum situm esset. Jam autem nec ipsi Dani negare possunt, duas istas Paræcias hoc districtu contineri. Quid mirum ergo Suecos eadem retinuisse, præsertim cum in executione pacis *Bromsebroensis* ab ipsis Commisariis Danicis fuerint traditæ. Ne tamen conquerendi ansa Danis suppeteret, Serenissima *Regina Christina* non solum in Conventum quo ea causa disceptaretur, libentissime consensit, sed etiam cum colloquio destinatus dies à Commisariis Danicis non obiretur, alium insuper Conventum per *Hafnia* Residentum Ministrum suum obtulit. Verùm Cancellario Regis Daniæ *Christiano Thomæo* adeo exigui momenti res visa est, ut operæ pretium non judicaret, laborem in eam rem ulterius inquirendi sumere. Nisi forte ideo istud factum, quod metuerent Dani ne si in rem præsentem ventum fuisset unam adhuc Paræciam, quæ itidem cis montes sita est, Suecis vi pactorum tradere cogerentur. Et tamen tam futilia inter causas belli recensere non erubescunt.

Quæ deinceps circa impositionem novorum vectigalium, quibus commercia in mari Baltico fuerint turbata proferuntur, vix satis apparet quo colliment. Equidem eo arrogantia Danos processisse, ut quæ vectigalia Rex Sueciæ in suis portibus exigere debeat, præscribere præsumant, vix nobis sit verisimile. Etsi etiam hac in parte ita potestate sua usam S. R. M. arbitramur, ut nemo justam de ea querendi causam habeat. Quod si autem illa vectigalia perstringunt, quæ Classis Suedica anno 1655. à navibus *Gedanum* tendentibus & inde redeuntibus exegit, mirum profecto videtur modernum Daniæ Regem reprehendere id, quod parens ipsius *Christianus Quarius* publicis Diplomatis regnante *Gustavo Adolpho* gloriosissimæ memoriæ approvarit. Cum enim hic cum Rege Poloniæ in Prussia anno vigesimo octavo hujus seculi bellum gereret, & inter cætera itidem naves *Gedanum* euntes vectigal posceret, non solum *Christianus Quarius* illud non improbavit, sed & Programma Regis Sueciæ hac super re *Helsingoræ* affigi permisit, suo quoque adjuncto, quo ipse multam iis minabatur, qui istud vectigal non solvissent. Ne dicam quod incivile videatur, ejusmodi res pro causis belli apud Belgas proferere, cum hi ipsi durante bello Hispanico cæterorum omnium commercia ad por-

tus Flandricos etiam obsidione nulla cinctos prohibuerint, licet ipsi suis post hominibus licentiam certæ pecuniæ summa redimentibus ad loca hostilia commeari permiserunt.

Nec verò causa erat, cur Dani peculiariter urbis *Gedanensis* tutelam susciperent. Nam in pactis *Bromsebröensibus* hætenus duntaxat ejus civitatis mentio fit, ut si quid isto in bello in alterius partis fraudem fecerit, remittatur, atque oblivione perpetua sepeliatur, quæ satis clare articulo quadragesimo secundo sunt expressa. Nequaquam autem Danorum erat impedire velle, ne S. R. M. jus suum contra eam urbem, quæ membrum hostilis Regni constituebat, & oblatam toties Neutralitatem præfractè semper respuerat, modo legitimo persequeretur; multo minùs pro legitima belli causa anno quinquagesimo septimo allegari poterat, quod toto biennio ante à navibus *Gedanum* tendentibus per aliquot tantùm hebdomadas exactum quidem, sed omisum postmodum erat vectigal; maximè cum anno quinquagesimo sexto Belgæ Fœderati Legatis missis nova cum Suecis fœdera *Elbingæ* pepigissent, quibus omnes istæ controversiæ removebantur, & præterea urbi *Gedanensi* de securitate satis superque cavebatur. Verum enimverò postquam Dani classe sua *Gedanum* missa S. R. M. Sueciæ laceßere non dubitassent, & nondum satis ea re Suecis se nocuisse arbitrarentur, dignum sane animo Danico visum fuit, fidem haut perfundiorie violare, & pari injuriæ turpitudine, aperto potius bello perniciem ipsis intentare, quàm obliquis velut ictibus lædere. Cui bello per publicam denunciationem nihil justitiæ accessit, nisi quod cum pompa aliqua expromere perfidiam suam Dani magnificum judicarunt. Istas tam præclaras belli sui causas, quas ipsimet Dani in pacificatione *Roschildensi* condemnarunt, promissa libellorum de iis conscriptorum suppressiones non sine maxima impudentia nostri Oratores summè justas nunc vocare non verentur. Nisi fortè tritum illud in animo habuerunt, quo summū jus summa injuria dicitur. Sed ne recoctā tantum crambem apposuisse videantur Oratores nostri, singulare aliquod arcanum, non sine Divini Numinis providentia ipsis manifestatum in *Bataviam* afferunt, ex quo insignem aliquem colorem injustissimis suis factis mutuari instituunt. Illud est Instructio Ministro cuiquam Suedico mense Aprili Anno quinquagesimo septimo data, in qua consilia Serenissimi Regis Sueciæ, si à Danis bello peteretur, uberius exponuntur. Ubi satis mirari non possum extremam Nostrorum Oratorum impudentiam dicam an impietatem, qui per singularem providentiam Divinam in manus suas pervenisse dicunt Instructiōnem quam dum Legati Suedici Scrinia, non absque scæda juris gentium

gentium violatione *Hafnia* diripuerunt, inter cætera Legati scripta invenerunt. Cujus facti turpitudine eo magis morationum gentium indignationem, siue potius detestationem merito incurrere debet, quod cum Ser. Rex pro liberanda legatione Suedica tres Senatores Danicos captivos, Regni scil. Archithalassum & Cancellarium, ut & unum ex primariis Senatoribus, *Hafniam* cum omni supellestile mittendos sua sponte obtulerit, & eorum quidem duo, (tertius enim ob infirmitatem corporis cum qua confliabatur, itineri se committere non audebat) eò pervenerint; Dani tamen Legatum *Bielckium* quidem cum quibusdam bonis suis liberum dimiserint, alterius autem Legati, ut & ceterorum qui in comitatu erant, supellestilem omnem contra expressam conventionem retinuerint, & ut vel lucrum aliquod captarent, vel ex eorum schedis factis suis colorem forsitan aliquè indagarent, diripuerint. Verumenimverò infirmum causæ suæ præsidium præbet Instructio ista, eo quippe tempore scripta, ubi signum *Ouonia Fionum* in Comitibus Daniæ jam dum ante sex hebdomadas ad bellum Suedicam erat sublatum, & delectu militum Danicorum omnia perstrepebant; ubi non de copiis quibusdam ad defensionem Regni necessariis, sed de tribus exercitibus, minimum quadraginta millia hominum, & de occupanda *Sockholmia* cum omaibus Suecorum ditionibus, *Heroes* isti Danici palam gloriabantur. Annon sat causæ exinde suppetebat Ser. Regi Sueciæ finibus suis prospiciendi, & cum Regni Senatoribus consilia ineundi, quomodo imminentem istum à Danis idem vel mediis amicabilibus, vel vi declinaret. Quod si Instruktionem istam Oratoribus nostris bona fide producere libuerit, toti Orbi adparebit, S. R. M. hautquaquam Daniam aggredi, sed primum ictum expectare voluisse. Hoc tamen negare nolumus, Serenissimum Regem Sueciæ, siquidem Danos bello cum Suecis experiri libido caperet, sibi de viribus suis id fuisse pollicitum, ut Deo adjuvante intra quatuor vel quinque mensium spacium Daniam evertere queat, modo loquendi militari, quo everti dicitur, cujus exercitus fugantur atque dissipantur. Id quod etiam egregie præstitit, dum sub finem Augusti Juliam ingreßus, sub initium Februarii invincibiles istos, uti jactabantur, exercitus maximam partem prostratos intra menia Hafniensia compulit. At vero quæ de delendis duobus Regnis antiquissimis, de extirpanda familia Regia splendidissima, de subjuganda famosa Danorum Natione addantur, Danici commenta sunt ingenii, de quibus in dicta Instruktionem nullum vestigium deprehenditur. Daniæ tamen & *Norvegia* Regna uti antiquissima esse non negamus, ita Danum inter potentissimos Europæ Reges numerari hactenus quidem apud nullum autorem deprehendere licuit; uti nec illud, ab omni ævo Danorum

fortitudinem Suecos sensisse, nisi illud fortitudinem dicere velint Oratores nostri, *Danos* astutè admodum tempora fuisse aucupatos faciendo *Suecis* bello, quibus ipsi vel civilibus vel *Moscoviticis* bellis impliciti ad repellendum ab altero latere idum minus parati essent.

Sic eodem in *Suecia* rerum statu, cum jam & *Moschus* & *Polonus* & *Dominus Austriaca* aperti hostes circumstarent, hac vice fortitudinem suam ostentare voluerunt, sed *DEO* perfidiam istam taliter puniente, ut per maria viam *Suecis* sterneret ad *Daniam* ruinæ involvendam. Hic sufficiebat Serenissimo *Regi* veteres *Suecia* limites reduxisse, additis quibusdam *Norwegie* locis ad securitatem *Suecia* facientibus, ac firmiter sibi persuaserat, tanta humanitate delinitos *Danos* religiosius in posterum amicitiae sanctimoniam culturos, Sed contraria omnia evenisse constat. Quamquam enim *S. R. M. Suecia*, statim atque per glaciem licuit, etiam nondum præstita à *Danis* conditione, sub qua promissio deducendarum copiarum facta erat, *Sialandia* exceßerit, *Monam* insuper, *Falstriam*, *Lalandiam* atque *Langelandiam* Insulas, (de quibus nescio quid cornicentur Oratores nostri, quod relictæ quidem fuerint, sed non multo post occupatæ, cum tamen mense demum *Aprili* anno præterito in *Suecorum* potestatem redactas in propatulo sit) *Wensulanam* insuper Provinciam cum fortalicio *Hallenfi* restituerit, & ad omnia quæ restabant præstanda paratissimam se exhibuerit: *Dani* tamen ad omnia quæ promiserant, imò & ipsam *Scaniam* tradendam vi & minis erant cogendi, & simul atque *Suedicus* exercitus *Sialandia* exceßerat, undique moras & effugia quærebant, & haut obscuris indiciis prodebant, quàm parùm ipsis cordi esset reliquas pacis Leges implere. Qui enim *Suecorum* commoda provehere, damna avertere, & omnia in præjudicium eorum inita fœdera ejurare promiserant, cum hostibus *Suecia* infensissimis, Domo scilicet *Austriaca* & *Polonia Rege* palam & secreto perniciose in *Sueciam* consilia fovebant, & quos *Suecis* amicos adhuc esse noverant, variis artificiis labefactare laborabant. *Electorem Brandenburgicum* ad bellum *Suecis* inferendum & e *Juria* illos eliciendum per Ablegatum quendam invitabant, & quæ ante Pacem *Roschildensem* in hostem communem, ut vocabant *Regem Suecia*, nondum ad finem perducta erant fœdera, post Pacem demum rata habebant, nihil aliud exspectantes, quam ut *Sueci* aliis hostibus immixti nudum sibi latus iterum præberent, quò in traditas Provincias denuò involare, easque *Suecis* extorquere possent.

Quantas circa tertium articulum, cujus vigore ad arcendam omnem peregrinam classem bellicam è mari *Baltico* tenebantur, difficultates moverint,

rint, quam multas elusiones finxerint, imò ut omninò id facere detrectaverint, *Suecorum* hanc ob causam in lucem emillà scripta satis testantur. Insuper *Suecorum* naves in *Oresundo* variis jam oneribus subijcere incipiebant, *Wenam* Insulam ut partem *Scaniae* tradere initio renuebant, ad extremum etsi rationibus satis convicti tamen velut per vim sibi ereptam quiritabantur, quò novam belli materiem sibi seponerent. Idem committebant circa parvam illam præfecturam *Rumsdahlia* ad *Trundheimensem* ditionē spectantem. Variis itidem technis impediabant, ne Nobiles in *Scania* S. R. M. *Sueciae* juramento se obstringerent: tres naves *Suedicas* sale onustas & ante declaratum bellum in freto *Sundico* fisco addictas, ut decebat cum oneribus, non restituebant, nec quas in *Guinea* insignes prædas egerat *Carloffius*, ut & alia post Pacem conclusam erepta bona. Quem in *Lalandia* Præfectura *Alholmensi* convexerant commeatum jure suo utentes *Sueci*, avehi non permittebant *Dani*, nec promissos bis mille equites tradebant, nec *Vördam* *Bremensem* præfinito tempore evacuabant, Captivorum etiam complures præstituto termino non dimittebant, ac circa militum alimenta infinitas movebant difficultates, de quibus tamen satis liquidè inter Commissarios utriusque partis fuerat conventum. Quid multis? Ipsi Senatores Regni *Daniæ* quid super hac pace animi essent, haut obscurè significabant, quando ætatem eam ferre posse negabant, quod per vim metumque esset extorta.

Nec est quod *Dani* conquerantur, S. R. M. *Sueciae* exercitum suum statò tempore non eduxisse, nec ex fortalitiis præsidia sua deduxisse, id enim ipsi procrastinationibus suis ut secus fieret non permiserunt. Et impudens erat deductionem exercitus prius postulare, quam omnes conditiones perfectè essent adimpletæ, quippe quæ virtute pactorum *Roschildensium* præcedere debebant. Et qua ratione Rex *Sueciae* prima die *Maii* *Friderici* uddam restituere teneretur, cum *Vörda* *Bremensis* eodem die à *Danis* evacuanda demum mense *Iulio*, & non nisi adhibitis minis de vi admovenda traderetur? Nec aded testæ erant *Danorum* machinationes, ut *Suecis* non suboluerit quid monstri alerent, scilicet ut metu remoto perfidiam quæ semel malè ipsis cesserat, nocentius repeterent.

Quam Oratores Nostri captivorum detentionem afferunt, nova nec hætenus ab ipsis audita querela est. Ac maximopere miror, cum hætenus omnes criminationum classes fuerint excussæ, nemo tamen tam felix fuerit, ut hic quid potuerit comminisci. Quamdiu enim Commissarii *Suedici* *Haffniæ* fuerunt, nemo unquam exitit, qui hac in parte contraventionis *Suecos* accusare ausus fuerit, Sed nunc demum video, quam

acutum cernant Oratores nostri. Volunt Suecos vigore articulorum pacis obligatos fuisse, gregarios istos milites, quos in Ducatu Bremensi & Friedericiudæ ceperant, & sacramento suo prius devinctos alio militatum miserant, iterum dimittere. Enimverò consuetudo communis militiæ nequaquam tales inter captivos numerat. Quanquam enim principium militiæ ipsorum quadantenus violentum fuerit, postquam tamen turmis legitimorum militum immixti eadem munia subierunt, eo ipso pro militibus, & non pro captivis amplius habentur. Unde nec reddere eosdem tenentur Sueci, nisi circa illos expresse cautum fuerit, quod tamen nunquam factum. Quæ denique Oratores nostri de detentione commeatus bellici in fortalitiis Danicis in mediū prodixerunt, aut omnino figmenta sunt, aut tum demū contigerunt, quando hostilia denuo exercita fuerunt.

Cum enim nulla emendationis spes superesset, & qui ad sancendum fœdus ab initio à Danis tantoperè desiderati erant Legati Suedici Hassniæ dum executionem Pacis urgebant, nil nisi procrastinationibus lactarentur, ut interdum per tres hebdomadas ab omni cum iis Tractatus commercio abstineretur; & verò cuilibet emundæ naris facillè suboleret, Danos nulla misericordia civium suorum, qui interea dum stragem istud moluntur, ab exercitu Suedico non leviter premebantur, tactos, copias tantum Austriacas & Brandeburgicas cum Polonis anhelare, non habita ratione quod dicti Legati minas aliquoties sparsissent, Regem suum tot tantasque sibi noxias artes æquo animo non toleraturum, Serenissimus Rex patientiam tandem abrumpere coactus cum exercitu in Sialandiam iterum appulit, Hassniamque versus movit. Ubi quidem obviam habuit Ringstadii duos Regni Daniæ Senatores sciscitatuos ab ipso causam reditus; sed quo animo erga pacem fuerint, vel exinde liquet, quod cum ipsemet Serenissimus Rex prolixè iis causas adventus sui exposuisset, nullam tamen declarationem obtinuerit, licet Commissarios suos in diversorium eorum mitteret. Et quod mandatorum defectum causari possent, concedebat ipsis, ut mentem suam, & quomodo Regis Sueciæ securitati melius quam hætenus prospectum vellent, Legato suo Hassniæ commoranti aperirent. Enimverò unus Legatorum Danicorum Rege insalutato clam aufugit, ambo verò Hassniam venientes cum Legato Suedico ne verbum quidem de mediis compositionis fecerunt, imò eundem quoque in custodiam dare veriti non sunt, quemadmodum ista omnia alibi uberius exponuntur. Unde facile videre licet, non per Suecos sed Danos fteruisse, quo minus bellum illud repullulans in herba statim supprimeretur. Nec omnem compositionis spem præciderant verba Cernitis Schlippenbachii,

bachii, quibus significabat, imminetia Danorum fata postulare, ut juxta habeant, siue ipsorum Rex *Carolus* siue *Fridericus* vel *Christianus* vocaretur. Erant enim ex eorum numero, quibus mentes cum quibus nobis negotium intercedit, tentare & elicere aliquid in nostrum commodum solemus. Et sane nescio an causam habeant Suecis exprobandi talia Schlippenbachii verba Dani, cum in literis ad urbem Strallundensem anno quinquagesimo septimo exaratis ipsemet Rex Daniæ, dum cives istos ad defectionem sollicitaret, in eandem sententiam scripserit, optime illos saluti urbis suæ consulturos, si deserto Rege Sueciæ, infracto nunc & viribus infirmo suæ se protectioni submitterent. Qualia etiam per Ducatus Bremensem & Verdensensem publicè affixis programmatibus sparsa fuerunt. Et sane longe diversa sunt, publicis Regem literis aut diplomatibus aliquid profiteri, & Ministrum explorandi aliorum animos causa per discursum obiter tale quid injicere. Quanquam in tota hac materia Oratoribus nostris memoria parum favisse videatur. Quæ enim à Danis publicè circa isthanc rem scripta extant, confitentur, Serenissimum Regem Sueciæ valde prolixum fuisse in enarrandis suæ expeditionis causis; Nostri verò, nullas fuisse prolatas, cum nullæ adfuerint, præter supra allegata verba. Quæ cum nequaquam Serenissimus Rex, sed ejus Commissarius inter fermocinandum protulerit, non sane apparet, quomodo ista sibi invicem non contradicant. Tanti est à memoria non destitui, siquidem non impingere velis in formulam artis, in qua alias Dani satis ingeniosos se exhibere solent.

Antequam autem ad laudes, quibus inclytam Fæderatorum Rempublicam operant Oratores nostri descendamus, unum atque alterum discutendum prius venit. Cum enim hujus Status animos non leviter exulcerare posset, quod Dani cum Austriacis tam stricta fœdera inierint, & ut Suecis saltim nocerent, ditiones suas ipsorum libidini exponere non dubitarint; ad eximendum istum scrupulum singulare aliquod emplastrum applicant Oratores nostri, ut sub adventum suum in Belgicam auguria quis capere queat, non minus hos in morbis animi tollendis, quàm alium in corporis felices fore. Sane enim nisi plus dexteritatis in posterum adhibebunt, nequidquam Æsculapii delubra Gallo fumabunt. Quam frivolum enim est istud, Regem Daniæ ad Austriacorum iisque Confederatorum copias in Jutiam evocandas fuisse coactum, non quod de auxiliis Belgicis omnino desperaret, sed quod per anni tempus bonam hujus Reipublicæ intentionem facile impediri posse non ignoraret. Nequidisse autem istud ipsum cum Republica hac prius communicari, quod in istis locis nemo Ministrorum Belgicorum adfuerit, & omnia

insuper itinera ita fuerint intuta reddita, ut nec literis nec nunciis huc penetrare liceret. At enim si Danis sine periculo ad Reges Hungariæ & Poloniæ, ut & Electorem Brandenburgicum Legatos mittere integrum erat, ut nostri Oratores factum innuunt; cur quæso non eadem opera in Belgium scribi poterat, præsertim cum duo tunc temporis Ministri Dani- ci Hagæ Comitibus degerent. Et qua fronte dici potest, Fæderatos Bel- gas in iis locis Ministros nullos habuisse, unde auxilia petebant Dani, cum & apud Regem Poloniæ & Electorem Brandenburgicum tunc temporis tales fuisse constet. Sed aliud est, quod verbis hisce velare & obscurare conantur Oratores nostri. Scilicet dissimulare volunt perfidiam suam, quam statim post pacem Rochildensem meditabantur, agitis cum domo Austriaca, Rege Poloniæ & Electore Brandenburgico fœderibus, ut con- junctis viribus Suecos denuo aggrederentur, quicquid circa educationem exercitus eorum à Dania fieret. Quod fœdus cum maximè in fraudem rei Evangelicæ cedat, ejus facti invidiam per necessitatem à se conantur amoliri, quasi tum demum ad societatem illorum expetendam spectave- rint, cum inter angustias istas destituerentur. Cum tamen toti orbi con- stet, jam dum solo in Suecos odio, & fidem datam violandi libidine sub- actos Danos ejusmodi sese implicuisse fœderibus, quibus quantum in se fuerat, sinceræ Religionis statum penitus adflixerant. Ne tamen pa- rum fidi socii videantur, etiam non requisiti testimonium suum obtru- dunt, quasi merito eorum potissimum auxilia implorarint, quos eadem cau- sâ justitia in Suecos armaverat. Ridiculum sane est Danos, quos nec ma- nus nec lingua suffecit ad seipso defendendos, aliorum causam orare velle. Miseros verò socios! brevi ad restim vobiscum redibit, siquidem Danis uti Patronis volueritis. Sed miraveritatis vis, quæ nescientibus & aliud agentibus Oratoribus nostris excidit. Eandem causam socios suos in Suecos armavisse dicunt. Si enim Regem Poloniæ removeris, quem Rex Sueciæ justissimo bello adoriri fuit coactus, certe non ovum ovo magis simile, quam isti inter se sodales. Quæ Regem Daniæ in Sue- cos egerant occasio nocendi, spes prædæ, & odium, eadem etiam domum Austriacam & Electorem Brandenburgicum stimularunt. Inde tam faci- le in fœdus coalescere mirum non erat, quos gemina libido in eandem turbas rapiebat. Experiendus erat Suecis fœderatorum istorum impetus, quacunque demum humanitate cum Danis egissent. Nec enim aliud par- turiebat insignis ista familiaritas, quæ dum Legati Suedici circa executio- nem pacis Hafniæ solliciti sunt, inter ministros Austriacos, Polonicos & Danicos intercedebat. Illud verò nimis quam incivile & propudiosum est,

est, quæ
verent
Rex S
hiber
cum H
nis mi
penes
non er
curfibi

Ne
tes in
omni
quid f
calum
inter
lias v

De
nis su
obser
anxie
laudi
bus v
affer
nostr
lebil
quan
mos
tæ S
dem
dum
in su
nific
ab in
rit,
dica
gre
inde
obn

est, quod in solemnī Ordinum Generalium confessu Oratores nostri non verentur eructare quæ aperte falsa esse in Hollandia cuiusvis constat, quasi Rex Succiæ ratificationem Tractatus Elbingensis in hunc usque diem exhibere noluerit. Nondum enim tempus isti actui determinatum effluxerat, cum Hagam Comitibus ad Residentem Suedicum Instrumentum ratificationis mittitur, statim cum alterius partis instrumento commutandum, nisi penes fœderatos Belgas mora fuisset. Talia dum publice Dani jactare non erubescunt, facile judicare licet, quam parca manu in privatis discursibus veritatem admetiantur.

Nec minus barbaros quosdam mores redolet, Legatos à Rege venientes in confessu Ordinum Reipubl. de vicino Rege dicere non vereri, nulla omnino promissorum Religione ipsum tangi, nec dignum esse, cui quisquam quid fidei tribuat. Scilicet usque adeo animis Danicæ gentis infixum est calumniis & convitiis impudenti & rustico prorsus more grassari, ut ne inter istiusmodi actus gravitatem a talibus abstinere potuerint, quibus alias vires animæ & generositatis incapaces solent agnosci.

Denique dum laudes & gratiarum actiones, quibus sub finem Orationis suæ Belgas mactant Legati Danici, attentius considero, illud initio observare licet, adulatores ingenio parum valentes dum affectum nimis anxie laborant simulare, frequentissime eo absurditatis prolabi, ut pro laudibus ignominiam imprudentes adspargant. Vinci enim a fortibus viris nunquam probro cuipiam datum fuit: at illa dedecus vulnera afferunt, quæ imbellis & degener manus inflixit. Dum igitur Oratores nostri dicunt, Belgas Danis junctos tanta vi Suecis restitisse, ut inde indelebili ac sempiterna fuerint ignominia cooperti, sane innunt tam Belgas quam Danos etiam conjunctis viribus summa ope connitentes ignavissimos & fœdissimos esse mortalium. Quæ enim alias ratio foret, cur tantæ Suecis sit turpitudini, hos ipsis repugnare ausos fuisse, nisi tales eosdem agnoscerent, quibus cum fortibus viris negotium habere erubescendum sit? Verum non ita accurate erant concinnandæ laudes, quas non nisi in summis labiis natas ipsemet Serenissimus Daniæ Rex non obscure significat. Dum enim publicis literis Belgas hujus belli autores & incentores ab initio fuisse profiteri non dubitat, quod, quomodocunque res ceciderit, infelicissimum sane sibi fuisse ipsi Dani agnoscunt; in proclivi est judicare, quam candido pectore encomium servatori suo cantet animæ ægre servata ex aquis extractus, a quo in eas fuerat præcipitatus. Deinde & illud mirari subit, quam repugnanti motui hominum affectus sint obnoxii. Utur enim conservatio Regni Danici non minimam partem fœderato

derato Belgio, juxta Oratorum nostrorum confessionem, in acceptis ferenda sit, & Belgæ haut vulgari beneficio Danos sibi devinxerint: iidem tamen si ad explendum in Suecios furorem pecunias amplius subministrare, bellum suis sumptibus ulterius sustinere, ac præcipuis interea commercii non sine maximo suorum damno ferias indicare abnuerint, perfidi statim audient & proditores, qui nunc Statores, & tantū non Joves Optimi Maximi cluent. Nec calumniandi causa isthæc dicuntur, sed quod ejus rei non ita pridem iidem homines specimen ediderint. Cum anni elapsi Mense Majo inter Ministros Galliæ, Angliæ, & Fæderati Belgii convenisset de modo componendi bellum Septentrionis; Ministri vero Danici Regi suo per istud non satisfactum putarent, ausus est eorum quidam Regi suo, & lingua quidem patria scribere, Rempubicam Fæderati Belgii perfidē & proditoriē cum ipso agere. Idem & in posterum experientur Belgæ, si habitā justitiæ & æquitatis ratione furori ipsorum amplius quousque ipsis lubitum velificari recusaverint. Nam insipidæ illæ verborum ampullæ, non esse populum, apud quem beneficium melius quam apud Danos collocare queant, nihil aliud arguunt, quam stolidam Danorum vanitatem, quos si alii laudatores deficiant, sibi ipsis encomium canere non piget.

Sed cordatiores sunt Belgæ, quam ut verbis se fascinari patiantur, nec à Danis demum quid sibi expediat, discere necessum habent. Ut enim ipsorum forsitan interest, Daniam non omnino opprimi; ita dudum est quodprehenderunt, consilia Austriaco-Hispanica, quibus Danorum infania tam sedulò ancillatur, eò unice tendere, ut Rempubl. hanc bellis non necessariis atterant, & omnium odiis exponant, quò ab Evangelicis deserta inter infidas aliorum societates antiquo jugo iterum succedat.

F I N I S,

Errata & omissa.


P. 5. l. 15. post possederant addē amissione p. 7. l. 3. pro Jerne leg. Zerne
ib. l. 14. l. Residentem, ib. l. 31, leg. approbavit.

ptis fe-
: iidem
inistra-
ra com-
perfidu
Optu-
od ejus
i elapsi
conve-
Danici
m Regi
Belgii
ientur
mplius
æ ver-
quam
Dano-
m ca-

r, nec
m ip-
am est
orum
bellis
elicis
r. 1100

um
et
ob
i sup
nisi
coffin
ab
erne
ondo

Biblioteka Jagiellońska



stdr0006993

